

Nā Paukū no kēla lā ā kēia mai ka Baibala Hemolele no ka ho‘omana‘o ‘ana no ka Makahiki 2016

Ua ho‘omākaukau ‘ia e ke Kahunapule ‘o Malcolm Nāea Chun a me nā Kiakona ‘o Paul Nahoa Lucas, Hauoli Tomoso, Mahi Beimes a me Ha‘aheo Guanson, he haumana a me Kawehi Lucas.

Ua ho‘oponopono ‘ia e ke Kahunapule ‘o Malcolm Naea Chun

Ka Pō‘alima, Ianuari 1, 2016

I nui ke aho, e nā hoahānau, a hiki mai ka Haku. Eia ho‘i, ke kakali nei ka mahi ‘ai i ka hua ōhāhā o ka honua, e ho‘omanawanui ana ma ia mea a hiki mai ke kuāua mua a me ke kuāua hope. Ioane 5:7

Ka Pō‘aono a me ka Lāpule Ianuari 2/3, 2016 [Ka lā hānau o Emalani \(Birthday\)](#)

‘O ka mea noho iho ma kahi malu o ka Mea ki‘eki‘e loa,

E moe ‘o ia ma ke aka o ka Mea mana loa. Halelū 91:1

Ka Pō‘akahī, Ianuari 4, 2016

‘O ka mea mālama i ke kāmāwai a pau, a i hā‘ule na‘e ia ma ka mea ho‘okahi, ua hewa nō ia i ke kāmāwai a pau. Ioane 2:10

Ka Pō‘alua, Ianuari 5, 2016

Mai mana‘o ia kanaka, e loa‘a mai iā ia kekahi mea na ka Haku mai. Ioane 1:7

Ka Pō‘akolu, Ianuari 6, 2016 [‘Epipania \(Epiphany\) \(Ke‘oke‘o/White\)](#)

A ua māhuahua nui maila ke aloha wale mai o ko kākou Haku me ka mana‘o‘i‘o, a me ke aloha aku i loko o Kristo Iesū. 1 Timoteo 1:14

Ka Pōahā, Ianuari 7, 2016

No kēia mea, i hea ‘ia mai ‘oukou: no ka mea, ua hō‘ino ‘ia ‘o Kristo no kākou, a ua waiho ‘o ia no ‘oukou i kumuhana, i hahai aku ai ‘oukou ma kona mau kapuwa‘i; 1 Petero 2:21

Ka Pō'alima, Ianuari 8, 2016

A e 'ike nā lā'au a pau o ka 'āina, na'u na lēhova i ho'oha'aha'a i ka lā'au ki'eki'e, a i ho'oki'eki'e ho'i i ka lā'au ha'aha'a, a i ho'omalo'o i ka lā'au uliuli, a i ho'oulu a'e i ka lā'au malo'o: na'u na lēhova i 'ōlelo, a i hana aku ho'i. Ezekiela 17:24

Ka Pō'aono ame Ka Lāpule, Ianuari 9/10, 2016 ka Bapekema o Ka Haku (Baptism of the Lord), ka 'Ahahui o Wintertalk (Tucson, AZ)

E amo 'oukou i ka'u 'auamo ma luna iho o 'oukou, a e a'o 'ia 'oukou e a'u: no ka mea, ua akahai au, ua ha'aha'a ku'u na'au, a e loa'a iā 'oukou ka maha no ko 'oukou mau 'uhane. Mataio 11:29

Ka Pō'akahi, Ianuari 11, 2016

'O ke Akua 'o ko'u pōhaku, e paulele aku au ma luna ona; 'O ia ko'u pale kaua, a me ka pepeiaohao o ko'u ola; 'O ia ko'u hale kia'i ki'eki'e, 'o ku'u pu'uhonua, a me ku'u ho'ōla; Ke ho'ōla mai nei 'oe ia'u, i ke kolohe 'ia. 2 Samuela 22:3

Ka Pō'alua, Ianuari 12, 2016

Ua nui ka hau'oli 'ana ma Ierusalem: no ka mea, mai ka wā iā Solomona 'o ke keiki a Dāvida ke ali'i o ka 'Isera'ela mai, 'a'ohē mea like ma Ierusalem. 2 'Oihana Ali'i 30:26

Ka Pō'akolu, Ianuari 13, 2016

Ua hā'awi au i ko'u na'au e 'imi, a e huli me ka no'eau i nā mea a pau i hana 'ia ma lalo iho o ka lani. He mea kaumaha loa kēia a ke Akua i hā'awi mai ai i nā keiki a kānaka e hana ai. Kekahuna 1:13

Ka Pō'ahā, Ianuari 14, 2016

Inā e 'ōlelo kākou, 'a'ole o kākou hewa, ua kuhi hewa kākou, 'a'ole he 'oia'i'o i loko o kākou. I Ioane 1:8

Ka Pō'alima, Ianuari 15, 2016

Akā, na ke kanaka 'ilihune, ho'okahi wale nō keiki hipa wahine 'u'uku āna i kū'ai ai a hānai iho ai: noho pū ihola ia me ia a me nā keiki āna; 'ai ihola ia i kāna 'ai, a inu ho'i ma kona kī'aha, a moe ihola ia ma kona poli, a me he kaikamahine lā ia nāna. 2 Samuela 12:3

Ka Pō'aono a me ka Lāpule, Ianuari 16/17, 2016

No laila, 'o ka mea i 'ike i ka hana pono, 'a'ole na'e i hana, he hewa nō ia nona. Iakobo 4:17

Ka Pō'akahi, Ianuari 18, 2016

Akā, e pale aku i nā ka'ao lapuwale a nā luwāhine, e ho'oikaika 'oe ma ka mana'o i ke Akua. 1 Timoteo 4:7

Ka Pō'alua, Ianuari 19, 2016

Ulu a'ela ua lā'au lā a nui; 'o kona ki'eki'e ua hiki aku ia i ka lani, a ua 'ike ho'i ia ma nā kihi a pau o ka honua. Daniela 4:11

Ka Pō'akolu, Ianuari 20, 2016

Me he daimana lā a 'oi aku ka 'o'ole'a ma mua o ko ka pōhaku paea i hana aku au i kou lae: mai maka'u aku iā lākou, mai pilihua ho'i 'oe i ko lākou helehelena, no ka mea, he 'ohana kipi lākou. Ezekiela 3:9

Ka Pō'ahā, Ianuari 21, 2016

'A'ole na ke Akua mai ka uluāo'a, 'o ke ku'ikahi nō kāna, a pēlā nō ma nā hālāwai haipule a pau. 1 Korineto 14:33

Ka Pō'alima, Ianuari 22, 2016

No laila i nani ai ia i kona nui, a me ka loloa 'ana o kona mau lālā; no ka mea, aia kona kumu ma nā wai nui. Ezekiela 31:7

Ka Pō'aono a me ka Lāpule, Ianuari 23/24, 2016

Ua 'oi aku ka piha 'ana o ka lima ho'okahi me ka noho 'olu'olu ma mua o ko nā lima 'elua me ka hana kaumaha, a me ka luhi hewa. Kekahuna 4:6

Ka Pō'akahi, Ianuari 25, 2016

Aia ho'i! 'O nā keiki, he ho'oilina lākou no Iēhova mai; A 'o ka hua o ka 'ōpū, he uku nō ia. Halelū 127:3

Ka Pō'aluā, Ianuari 26, 2016

Akā, e ha'i mai 'oukou ia'u i ka moe a me kona hō'ike, a laila e loa'a iā 'oukou ka makana, a me ka uku, a me ka hanohano nui no'u aku; no ia mea, e ha'i mai i ka moe, a me kona hō'ike. Daniela 2:6

Ka Pō'akolu, Ianuari 27, 2016

E paio aku i ka paio maika'i o ka mana'o'i'o, e ho'opa'a aku i ke ola mau loa, i kou mea i koho 'ia mai ai, a e hō'oa aku ai i ka hō'oa'i'o maika'i i mua o ke alo o nā hō'ike he lehulehu. 1 Timoteo 6:12

Ka Pō'ahā, Ianuari 28, 2016

A na Iēhova ke Akua o ko 'oukou po'e kūpuna, e ho'onui pātausani aku iā 'oukou, a e ho'omaika'i mai iā 'oukou e like me kāna i 'ōlelo mai ai iā 'oukou! Kānāwai lua 1:11

Ka Pō'alima, Ianuari 29, 2016

I ko mākou mana'o 'ole 'ana i nā mea i 'ike maka 'ia, i nā mea nō i 'ike maka 'ole 'ia: no ka mea, he pōkole nā mea i 'ike maka 'ia; akā, he mau loa nā mea i 'ike maka 'ole 'ia. 2 Korineto 4:18

Ka Pō'aono a me ka Lāpule, Ianurari 30/31, 2016

E nā pōki'i o'u, mai aloha kākou ma ka waha, 'a'ole ho'i ma ke alelo wale nō; akā, ma ka hana 'ana a me ka 'oa'i'o. 1 Ioane 3:18

—————

Ka Pō'akahi, Pepeluari 1, 2016

Hana ihola 'o Iēhova ke Akua i ke kanaka, he lepo o ka honua, a hā ihola ia i ka hanu ola i loko o nā puka ihu ona; a lilo a'ela ke kanaka i mea ola. Kinohi 2:7

Ka Pō'aluā, Pepeluari 2, 2016

E hau'oli ho'i 'oe iā Iēhova, A e hā'awi mai nō ia nou i ka makemake o kou na'au: Halelū 37:4

Ka Pō'akolu, Pepeluari 3, 2016

E lokomaika'i 'oukou i kekahi i kekahi, e aloha aku me ka na'au, e kala ana ho'i kekahi i kekahi, e like me kā ke Akua i kala mai ai i ko 'oukou ma o Kristo Iā. Epeso 4:32

Ka Pō'ahā, Pepeluari 4, 2016

Ke 'ōlelo aku nei ho'i au, e haele 'oukou ma ko ka 'Uhane, 'a'ole e ho'okō 'oukou i ke kuko hewa o ke kino. Galatia 5:16

Ka Pōalima, Pepeluari 5, 2016

'Ōlelo maila 'o Iesū iā ia, 'I maila, 'Oia'i'o, he 'oia'i'o ka'u e 'ōlelo aku nei iā 'oe, Inā e hānau hou 'ole 'ia ke kanaka, 'a'ole e hiki iā ia ke 'ike aku i ke aupuni o ke Akua. Ioane 3:3

Ka Pō'aono a me ka Lāpule, Pepeluari 6/7, 2016

'O Iesū no Nazareta, ua poni ke Akua iā ia me ka 'Uhane Hemolele, a me ka mana; nāna nō i ka'ahale e hana maika'i ana, a me ka ho'ōla 'ana i nā mea a pau i ho'oluhi 'ia e ka diabolō; no ka mea, 'o ke Akua pū kekahi me ia. 'Oihana 10:38

Ka Pō'akahi, Pepeluari 8, 2016

'O ka mea e 'ōlelo ana, ua 'ike nō au iā ia, a mālama 'ole 'o ia i kāna mau kauoha, he mea wahahe'e ia, 'a'ole he 'oia'i'o i loko ona. 1 Joane 2:4

Ka Pō'alua, Pepeluari 9, 2016 [Ka lā hānau o ka Mō'i Kamehameha IV \(Birthday\)](#)

Nāna nō ho'i 'oe i hānai me ka mane ma ka wao nahele, ka mea a ko 'oukou mau kūpuna i 'ike 'ole ai, i ho'oha'aha'a mai ai ia iā 'oe, a i ho'ā'o mai ai ho'i ia iā 'oe, i mea e pōmaika'i ai 'oe i kou wā ma hope; Kānāwai lua 8:16

Ka Pō'akolu, Pepeluari 10, 2016 [Kalema \(Lent\)](#), [ka Lā Hāpala Lehu \(Ash Wednesday\)](#)

'Ōlelo akula 'o Dāvida iā Iēhova i nā hua 'ōlelo o kēia mele, i ka lā a Iēhova i ho'opakele a'e iā ia mai ka lima aku o kona po'e 'enemi a pau, a mai ka lima aku ho'i o Saula. 2 Samuela 22:1

Ka Pō'ahā, Pepeluari 11, 2016

'A'ole anei 'oukou i 'ike, 'o 'oukou nō ka luakini o ke Akua, a ua noho ka 'Uhane o ke Akua i loko o 'oukou? 1 Korineto 3:16

Ka Pō'alima, Pepeluari 12, 2016

A ma hope iho o kēia mau mea, nānā akula au, aia ho'i, he anaina nui loa, 'a'ole hiki i kekahi ke helu aku, mai loko mai lākou o nā aupuni a pau, a me nā 'ohana, a me nā lāhui kanaka, a me nā 'ōlelo a pau, e kū ana lākou i mua o ka noho ali'i, a i mua ho'i o ke Keiki hipa, ua 'a'ahu 'ia lākou i nā holokū ke'oke'o, a he mau pāma ma ko lākou mau lima. Hō'ike 'ana 7:9

Ka Pō'aono a me ka Lāpule, Pepeluari 13, 2016

Eia ka 'ōlelo kū'auhau no nā hanauna o 'Adamu. I ka lā a ke Akua i hana ai ke kanaka, ma ke 'ano o ke Akua kāna i hana mai ai iā ia. Kinohi 5:1

Ka Pō'akahi, Pepeluari 15, 2016

Akā, ua akāka kēia, 'a'ole kekahi e ho'āpono 'ia i mua o ke Akua ma ke kāmāwai: no ka mea, 'O ka mea i pono, e ola ia ma ka mana'o'i'o. Galatia 3:11

Ka Pō'alua, Pepeluari 16, 2016

Ma ona lā ua loa'a mai iā mākou ka noho 'ana, i koho mua 'ia mai mākou e like me ka mana'o o ka mea nāna e hana mai i nā mea a pau ma ka mana'o kūpa'a o kona makemake; Epeso 1:11

Ka Pō'akolu, Pepeluari 17, 2016

Aia ho'i ke hele maila ia me nā ao; a e 'ike aku nā maka a pau iā ia, a 'o ka po'e ho'i nāna ia i 'ō aku; a iā ia nō e uwē ai nā 'ohana a pau o ka honua. 'O ia, 'Āmene. Hō'ike 'ana 1:7

Ka Pō'ahā, Pepeluari 18, 2016

Hana iholā ke Akua i ke kanaka ma kona 'ano iho, ma ke 'ano o ke Akua 'o ia i hana ai iā ia; hana maila ia i kāne a i wahine. Kinohi 1:27

Ka Pō'alima, Pepeluari 19, 2016

A e ho'okūpa'a mau loa 'ia aku kāu 'ohana a me kou aupuni i mua ou: e ho'okūpa'a 'ia ho'i kou noho ali'i a mau loa aku. 2 Samuela 7:16

Ka Pō'aono a me ka Lāpule, Pepeluari 20/21, 2016

Ua kāko'o mai 'oe ia'u i ka ikaika e kaua ai; Ua ho'okūlou iho 'oe ma lalo o'u i ka po'e i kū'ē mai ia'u2  
Samuela 22:40

Ka Pō'akahi, Pepeluari 22, 2016

A ho'ā ihola 'o ia i nā kukui i mua o lēhova; e like me kā lēhova i kauoha mai ai iā Mose. Puka 'ana 40:25

Ka Pō'alua, Pepeluari 23, 2016

'Tī maila 'o Iesū iā ia, 'O wau nō ke ala hou 'ana, a me ke ola: 'o ka mea e mana'o'i'o mai ia'u, inā e  
make ia, e ola hou auane'i 'o ia. Ioane 11:25

Ka Pō'akolu, Pepeluari 24, 2016

A 'ike akula 'o 'Adamu i kāna wahine iā 'Eva; hāpai a'ela 'o ia, a hānau maila iā Kaina, 'Tī maila, Ua loa'a  
nō ia'u he kanaka no lēhova mai. Kinohi 4:1

Ka Pō'ahā, Pepeluari 25, 2016

E nā kāne, aloha aku i kā 'oukou mau wāhine, e like me Kristo i aloha mai ai i ka 'ekalesia, a hā'awi mai  
iā ia iho nona; Epeso 5:25

Ka Pō'alima, Pepeluari 26, 2016

'O 'oukou ho'i ka po'e i make i loko o ka hewa, a me ke 'oki poepoe 'ole 'ia o ko 'oukou kino, 'o 'oukou  
kāna i ho'āla pū hou mai nei me ia, a ua kala mai i ko 'oukou hewa a pau; Kolosa 2:13

Ka Pō'aono a me ka Lāpule, Pepeluari 27/28, 2016

Ke 'ōlelo mai nei 'o lēhova penei, E pō'ino ana ke kanaka i hilina'i i ke kanaka, a mana'o ihola i ka 'i'o i  
ikaika nona, a ha'alele kona na'au iā lēhova. Ieremia 17:5

Ka Pō'akahi, Pepeluari 29, 2016

Akā, ua 'ike kākou iā Iesū i ka mea i ho'olilo 'ia ma lalo iki iho o ka po'e 'ānela, no ka make 'ana, i ho'olei  
'ia mai ai i ka nani a me ka mahalo; i lilo ho'i ia i ka make no nā kānaka a pau, ma ka lokomaika'i o ke  
Akua. Hebera 2:9

Ka Pō'aluā, Maraki 1, 2016

Hana pololei ihola 'o ia i mua i ke alo o Iēhova, e like me nā mea a pau a Dāvida kona kupuna i hana ai. 'Oihana Ali'i 29:2

Ka Pō'akolu, Maraki 2, 2016

No ia mea, inā i loko o Kristo kekahi kanaka, he mea hou 'o ia; ua hala akula nā mea kahiko; aia ho'i, ua 'ano hou a'ela nā mea a pau. 2 Korineto 5:17

Ka Pō'ahā, Maraki 3, 2016

Ua like ia me ka hau o Heremona, Ka mea i hā'ule mai ma luna o nā mauna 'o Ziona; No ka mea, ma laila nō i kauoha mai ai 'o Iēhova i ka ho'omaika'i 'ia, I ke ola ho'i, a hiki i ka manawa pau 'ole. Halelū 133:3

Ka Pō'alima, Maraki 4, 2016

E pule mau ana i nā pule a pau, a me ka nonoi aku ma ka 'Uhane; a no ia mea ho'i, e kia'i 'oukou me ka ho'oikaika mau a me ka pule aku no nā haipule a pau; Epeso 6:18

Ka Pō'aono a me ka Lāpule, Maraki 5/6, 2016

A e hānau mai 'o ia i keiki kāne, a e kapa aku 'oe i kona inoa 'o IESŪ; no ka mea, e ho'ōla ia i kona po'e kānaka mai ko lākou hewa. Mataio 1:21

Ka Po'akahī, Maraki 7, 2016

A i nā lā ma hope e ho'okūpa'a 'ia ka mauna o ka hale o Iēhova, ma luna o nā mauna, A e ho'oki'eki'e 'ia 'o ia ma luna o nā pu'u; a e holo nā kānaka i ona lā. Mika 4:1

Ka Pō'aluā, Maraki 8, 2016

'Ike akula au i ka lani e hāmama ana, a aia ho'i, he lio ke'oke'o; a 'o ka mea e noho ana ma luna iho ona, ua kapa 'ia, 'o Ho'opono, a 'o 'Oia'i'o, a ma ka pono 'o ia e ho'opa'i aku ai, a e kaua aku ai ho'i. Ho'ike 'ana 19:11



Ka Pō'akolu, Maraki 9, 2016

Inā e hana hewa mai kou hoahānau iā 'oe, e hele 'oe e a'o aku iā ia 'olua wale nō. A i ho'olohe mai 'o ia iā 'oe, ua loa'a iā 'oe kou hoahānau. Mataio 18:15

Ka Pō'ahā, Maraki 10, 2016

No ka mea, a iā kākou i nāwaliwali ai, a i ka wā pono, make ihola 'o Kristo no ka po'e pono 'ole. Roma 5:6

Ka Pō'alima, Maraki 11, 2016

'O kēia ho'i ka'u e 'ōlelo aku nei, a hō'ike aku ho'i ma ka Haku, mai haele hou 'oukou e like me nā lāhui kanaka 'ē ma ka lapuwale o ko lākou na'au: Epeso 4:17

Ka Pō'aono a me ka Lāpule, Maraki 12/13, 2016

Ua 'ike nō ho'i kākou, e kōkua pū ana nā mea a pau e pono ai ka po'e aloha i ke Akua, ka po'e i koho 'ia mai ma muli o kona mana'o. Roma 8:28

Ka Pō'akahī, Maraki 14, 2016

E hana maika'i ho'i lākou, i lako ho'i lākou i nā hana maika'i, i mākaukau ho'i i ka hā'awi wale aku me ka lokomaika'i; 1 Timoteo 6:18

Ka Pō'alua, Maraki 15, 2016

Akā, iā kākou, ho'okahi nō Akua, 'o ka Makua, a nāna mai nā mea a pau, a iā ia ho'i kākou nei: ho'okahi nō Haku, 'o Iesū Kristo, ma ona lā nā mea a pau, a ma ona lā ho'i kākou. 1 Korineto 8:6

Ka Pō'akolu, Maraki 16, 2016

No ia mea, ua 'ike kākou i ke aloha, no ka mea, ua waiho ihola 'o ia i kona ola no kākou; a he mea pono nō ho'i iā kākou, ke waiho a'e i ko kākou ola no ka po'e hoahānau. 1 John 3:16

Ka Pō'ahā, Maraki 17, 2016

I ka po'e a ke Akua i ho'omaopopo ai i ka waiwai nani o kēia mea pohihihi i waena o ko nā 'āina 'ē; 'o ia nō 'o Kristo i loko o 'oukou, ka mana'olana no ka nani: Kolosa 1:27

Ka Pō'alima, Maraki 18, 2016

E mālama nui 'ia aku nā lunakahiko e ho'omalū pono ana, he 'oia'io ho'i, 'o ua po'e lā i ho'oikaika ma ka 'ōlelo a me ke a'o aku; 1 Timoteo 5:17

Ka Pō'aono a me ka Lāpule, Maraki 19/20, 2016 **ke Kominika o nā Lālā Lā'au (Palm Sunday)**

'O ka mea i ho'ōla 'ia, 'a'ole ia i 'ike iā ia, no ka mea, ua ho'onalo 'ē Iesū iā ia iho, he nui nā kānaka ma ia wahi. Ioane 5:13

Ka Pō'akahi, Maraki 21, 2016

Pōmaika'i ka po'e i aloha aku; no ka mea, e aloha 'ia mai lākou. Mataio 5:7

Ka Pō'alua, Maraki 22, 2016

Penei ho'i ka 'ōlelo 'ana mai a lēhova, a kou Ho'ōla pāna'i, Ka Mea Hemolele ho'i o ka 'Isera'ela; 'O wau nō lēhova, kou Akua, Ka mea a'o aku iā 'oe i ka mea e pono ai, Ka mea alaka'i iā 'oe ma kahi e pono ai 'oe ke hele. Isaia 48:17

Ka Pō'akolu, Maraki 23, 2016

Akā, eia kekahi, 'o ka mea e kāhea aku i ka inoa o ka Haku, e ola ia. 'Oihana 2:21

Ka Pō'ahā, Maraki 24, 2016 **ka Pō'ahā 'o Maundy (Maundy Thursday)**

E a'o aku i ke kamali'i i kona 'ao'ao, A 'elemakule 'o ia, 'a'ole ia e huli a'e mai laila aku. Proverbs 22:6

Ka Pō'alima, Maraki 25, 2016 **ka Pō'alima Hemolele (Good Friday)**

He na'au hou nō ho'i ka'u e hā'awi aku ai iā 'oukou, a he 'uhane hou nō ho'i ka'u e uhao ai i loko o 'oukou; a e lawe a'e au i ka na'au pōhaku mai loko a'e o ko 'oukou 'io, a e hā'awi aku au i ka na'au 'io iā 'oukou. Ezekiela 36:26

Ka Pō'aono a me ka Lāpule, Maraki 26/27, 2016 **ka Lā i alahou ai ka Haku (Easter and or white)**

'Ānō ho'i, e hana mai 'o lēhova i ka lokomaika'i a me ka 'oia'io iā 'oukou; 'o wau nō ho'i e uku aku iā 'oukou i kēia lokomaika'i, no kā 'oukou hana 'ana i kēia mea. 2 Samuela 2:6

Ka Pō'akahī, Maraki 28, 2016

Aia ho'i, e ho'ouana auane'i au i ko'u 'elele, Nāna e ho'omākaukau i ke alanui i mua o'u: A e hikiwawe mai auane'i ka Haku, a 'oukou e 'imi nei, i loko o kona luakini, 'O ia ke 'elele o ka berita, 'o ka mea a 'oukou e makemake nei 'Eā, e hele mai ana ia, wahi a lēhova o nā kaua. Malaki 3:1

Ka Pō'alua, Maraki 29, 2016

E hau'oli mau 'oukou i ka Haku; ke 'ōlelo hou aku nei ho'i au, e hau'oli 'oukou. Pilipi 4:4

Ka Pō'akolu, Maraki 30, 2016

E nānā aku ana ho'i iā Iesū, i ka mea nāna i ho'okumu, nāna ho'i e ho'ohemolele ko kākou mana'o'i'o; nāna ho'i i ho'omanawanui i ke ke'a me ka mana'o 'ole i ka hilahila, no ka 'oli'oli i ho'omaopopo 'ia ma mua ona, a noho iho ho'i ma ka lima 'ākau o ka noho ali'i o ke Akua. Hebera 12:2

Ka Pō'ahā, Maraki 31, 2016

'Ī maila 'o Iesū iā ia, Mai ho'opā mai 'oe ia'u; no ka mea, 'a'ole au i pi'i aku i ko'u Makua: akā, e hele 'oe i ko'u po'e hoahānau, e 'Ī aku iā lākou, E pi'i ana au i ko'u Makua, a i ko 'oukou Makua; a i ko'u Akua, a i ko 'oukou Akua. Ioane 20:17

---

Ka Pō'alima, Aperila 1, 2016

'O ke Akua nāna i hana ke ao nei, a me nā mea a pau i loko, 'o ka Haku nō ia o ka lani a me ka honua, 'a'ole ia e noho ma loko o ka hale i hana 'ia e nā lima; 'Oihana 17:24

Ka Pō'aono ame ka Lāpule, Aperila 2/3, 2016

Pēlā e ho'okomo lokomaika'i 'ia aku ai 'oukou i loko o ke aupuni mau loa o ko kākou Haku a Ho'ōla ho'i 'o Iesū Kristo. 2 Petero 1:11

Ka Pōakahī, Aperila 4, 2016

A e noho ho'omalū mai ka malu o ke Akua i loko o ko 'oukou na'au, no ia mea ho'i e hea 'ia mai ai 'oukou i kino ho'okahi; a e ho'omaika'i aku ho'i 'oukou. Kolosa 3:15

Ka Pō'aluā, Aperila 5, 2016

Eia ka mana'ō'i'ō o kākou iā ia, inā e nonoi aku kākou i kahi mea e like me kona makemake, e ho'olohe mai nō 'o ia iā kākou. 1 Ioane 5:14

Ka Pō'akolu, Aperila 6, 2016

E aloha 'ia mai 'oukou, e maluhia ho'i i ke Akua i ko kākou Makua, a i ka Haku iā Iesū Kristo. 2 Korineto 1:2

Ka Pō'ahā, Aperila 7, 2016

'Ī maila ia iā lākou, 'O ia ho'i ka mea a Iēhova i 'ōlelo mai ai, i ka lā 'apōpō ka ho'omaha 'ana 'o ka sābati la'a no Iēhova: ka mea a 'oukou e kālua ai, e kālua, a 'o ka mea a 'oukou e ho'olapalapa ai, e ho'olapalapa: a 'o ke koena a pau e ho'āna 'ē 'oukou, i mālama 'ia ia mea na 'oukou no ke kakahiaka. Puka 'ana 16:23

Ka Pō'alima, Aperila 8, 2016

Hele maila ia i kona iho, 'a'ole kona po'e i mālama iā ia. Ioane 1:11

Ka Pō'aono ame ka Lāpule, Aperila 9/10, 2016

No ka mea, i nā lā 'eono i hana ai 'o Iēhova i nā lani, a me ka honua, a me ke kai, a me nā mea a pau ma loko o ia mau mea, a i ka hiku o ka lā i ho'omaha ai; no laila ho'i i ho'omaika'i ai 'o Iēhova i ka lā sābati, a ho'āno ai ho'i 'o ia ia lā. Puka 'ana 20:11

Ka Pō'akahi, Aperila 11, 2016

'O 'oukou ho'i e kōkua pū mai ana iā mākou ma ka pule, i hā'awi 'ia aku ke aloha no mākou e nā kākou he nui, no ka lokomaika'i i loa'a mai iā mākou ma nā kākou he nui. 2 Korineto 1:11

Ka Pō'aluā, Aperila 12, 2016

E ho'oikaika 'oukou, i māhuahua ke aloha 'ia mai, a me ko 'oukou 'ike 'ana aku i ko kākou Haku a Ho'ōla ho'i iā Iesū Kristo. Iā ia nō ka ho'onani 'ia aku, 'ānō nō, a mau loa aku. 'Āmene. 2 Petero 3:18

Ka Pō'akolu, Aperila 13, 2016

E 'ike pono 'oukou a pau, a me nā kānaka a pau o ka 'Isera'ela, ma ka inoa 'o Iesū Kristo no Nazareta, 'o ka mea a 'oukou i kau ai ma ke ke'a, 'o ka mea i ho'āla 'ia mai e ke Akua, mai ka make mai, 'o ia nō ka mea i kū ola mai ai kēia kanaka i mua o ko 'oukou alo. 'Oihana 4:10

Ka Pō'ahā, Aperila 14, 2016

No ia mea, ua ho'oki'eki'e loa a'ela ke Akua iā ia, a hā'awi akula nona i ka inoa ma luna o nā inoa a pau; Pilipi 2:9

Ka Pō'alima, Aperila 15, 2016

No laila, e nā kahu hipa, e ho'olohe 'oukou i ka 'ōlelo a Iēhova; Ezekielā 34:9

Ka Pō'aono ame ka Lāpule, Aperila 16/17, 2016

E nā hoahānau, ua hea 'ia 'oukou ma ka luhi 'ole; mai ho'olilo na'e 'oukou i ua luhi 'ole lā i mea no ke kino, akā, ma ke aloha e mālama aku kekahi i kekahi. Galatia 5:13

Ka Pō'akahī, Aperila 18, 2016

Akā, ua palapala 'ia kēia mau mea i mana'o'i'o ai 'oukou, 'o Iesū ka Mesia, ke Keiki a ke Akua; a i ko 'oukou mana'o'i'o 'ana, i loa'a ai iā 'oukou ke ola ma kona inoa. Ioane 20:31

Ka Pō'alua, Aperila 19, 2016

'O ka mālamalama 'i'o ia, ka mea nāna e ho'omālamalama nā kānaka a pau e hele mai ana i ke ao nei. Ioane 1:9

Ka Pō'akolu, Aperila 20, 2016

E ho'omaika'i 'ia 'o Iēhova, a i ka manawa pau 'ole. 'Āmene, 'Āmene. Halelū 89:52

Ka Pō'ahā, Aperila 21, 2016

Akā, 'o ke Akua, nāna mai ka lokomaika'i a pau, 'o ka mea i hea mai ai iā kākou nei i ka nani mau loa, ma o Kristo Iesū lā, ma hope o ko 'oukou 'eha pākole 'ana, nāna nō e ho'olilo iā 'oukou i hemolele loa, a e ho'okumu ho'i, a e ho'oikaika, a e ho'okūpa'a iā 'oukou. 1 Petero 5:10

Ka Pō'alima, Aperila 22, 2016

No ke Akua 'oukou, e nā pōki'i, a ua lanakila 'oukou ma luna o lākou; no ka mea, ua 'oi aku ka mea i loko o 'oukou i ka mea i loko o ke ao nei. 1 Ioane 4:4

Ka Pō'aono a me ka Lāpule, Aperila 23/24, 2016

No ka mea, ua mālama 'ia ke kānāwai a pau ma ke kauoha ho'okahi, 'o ia ho'i kēia, E aloha aku 'oe i kou hoalauna e like me 'oe iho. Galatia 5:14

Ka Pō'akahi, Aperila 25, 2016

Kiola 'ia akula 'o ka diabolō, nāna lākou i ho'owalewale, i ka loko o ke ahi a me ka lua'i pele, kahi o ka holoholona a me ke kāula wahahe'e, a e ho'omāinoino mau 'ia lākou i ke ao a me ka pō, ia ao aku ia ao aku. Hō'ike 'ana 20:10

Ka Pō'alua, Aperila 26, 2016

'Ī iholā ke Akua, E ho'ohua mai ka honua i ka mea ola ma kona 'ano iho, i ka holoholona laka, me ka mea kolo, a me ka holoholona hihiu ma kona 'ano iho: a pēlā 'i'o nō. Kinohi 1:24

Ka Pō'kolu, Aperila 27, 2016

A laila, 'o ka po'e maka'u iā Iēhova, Kama'ilio pū iho lākou i kekahi i kekahi; A hāliu maila 'o Iēhova, a ho'olohe maila, A ua kākau 'ia ka buke ho'omana'o i mua ona no lākou, No ka po'e maka'u iā Iēhova, a me ka po'e ho'omana'o i kona inoa. Malaki 3:16

Ka Pō'ahā, Aperila 28, 2016

Ma mua ho'i o'u kāna mau 'ōlelo ho'opono a pau; 'A'ole ho'i au i ha'alele aku i kāna mau kauoha. 2 Samuela 22:23

Ka Pō'alima, Aperila 29, 2016

Inā e pili mai 'oukou ia'u, a e noho ka'u mau 'ōlelo i loko o 'oukou, a laila, e nonoi 'oukou i kā 'oukou mea e makemake ai, a e hā'awi 'ia nō ia iā 'oukou. Ioane 15:7

Ka Pō'aono ame ka Lāpule, Aperila 30/Mei 1, 2016

A laila, e ho'olohe mai 'oe mai ka lani mai, a e ho'oponopono, a e ho'okolokolo i kāu po'e kauwā, e ho'ouku i ka mea hewa, e ho'opa'i nō i kona 'ao'ao ma luna o kona po'o iho; a e 'āpono mai i ka mea pono, e hā'awi iā ia e like me kona pono iho. 2 Kānāwai lua 6:23

Ka Pō'akahī, Mei 2, 2016

I hō'ike mai ai 'o lēhova, kou Akua iā mākou i ke ala e pono ai mākou ke hele, a i ka mea ho'i e pono ai mākou ke hana. Ieremia 42:3

Ka Pō'alua, Mei 3, 2016

No ia mea, e nā hoahānau, e kūpa a oukou, me ka nāueue 'ole, me ka ho'omau i kā 'oukou hana nui ana i ka hana a ka Haku, no ka mea, ua ike nō 'oukou, 'a'ole i makehewa kā oukou hana ana ma ka Haku. 1 Korineto 15:58

Ka Pō'akolu, Mei 4, 2016

'O ia ho'i kai hō'ailona mai iā mākou, a i hā'awi mai ho'i i ka makana mua o ka 'Uthane i loko o ko mākou na'au. 2 Korineto 1:22

Ka Pō'ahā, Mei 5, 2016

No ka mea, he po'e kānaka la'a 'oukou no lēhova kou Akua: na lēhova na kou Akua i wae mai iā 'oukou, i po'e kānaka pono i nona, ma mua o nā kānaka a pau ma luna o ka honua. Kānāwai lua 7:6

Ka Pō'alima, Mei 6, 2016

A 'o ke Akua, ua hemolele kona 'ao'ao; Ua ma'ema'e ka 'ōlelo a lēhova; He pale kua ia no ka po'e a pau e paulele ma luna ona. 2 Samuela 22:31

Ka Pō'aono/Lāpule Mei 7/8, 2016

I ka wā kahiko, 'ikea 'o lēhova ia'u, 'ī maila, 'Oia'i'o, ua mau loa ko'u aloha aku iā 'oe; no laila, ua ho'olō'ihi aku au i ka lokomaika'i nou. Ieremia 313

Ka Pō'akahī, Mei 9, 2016

No ka lepo i hana ai 'o lēhova ke Akua i nā holoholona a pau o ke kula, a me nā manu a pau o ka lewa, a ka 'ī maila iā lākou i o 'Adamu lā, i 'ikea nā inoa a 'Adamu e kapa aku ai iā lākou: a 'o ka inoa a 'Adamu i kapa aku ai i nā mea ola apau, 'o ia ihola kona inoa. Kinohi 2:19

Ka Pō'alua, Mei 10, 2016

Ua maika'i ka na'auao me ka waiwai ho'oili, 'o ia ho'i ka mea e pono ai nā mea i 'ike i ka lā. Kekahuna 7:11

Ka Pō'akolu, Mei 11, 2016

Ke ola nei 'o Iēhova, e ho'omaika'i 'ia ko'u pōhaku; E hāpai 'ia aku ho'i ke Akua 'o ku'u pōhaku e ola ai. 2 Samuela 22:47

Ka Pō'ahā, Mei 12, 2016

Ma ona lā ho'i e kaumaha mau aku ai kākou i ka mōhai mahalo i ke Akua, 'o ia ka hua o ko kākou mau lehelehe, e ho'ole'a ana i kona inoa. Hebera 13:15

**Ka Pō'alima, Mei 13, 2016**

Ma nā mea a pau e ho'omaika i aku ai: no ka mea, o ia ko ke Akua mana'o'i'o iloko o Kristo Iesū iā 'oukou. 1 Tesalonike 5:18

Ka Pō'aono/Lāpule Mei 14/15, 2016 **ka lā 'o Penekekoka (Pentacost)**

ʻĪ maila ke Akua, Aia ho'i, ua hā'awi aku au na 'olua i nā lau nahele a pau e hua ana i ka hua ma luna o ka honua a pau, a me nā lā'au a pau i loko ona ka hua o ka lā'au e hua ana i ka hua; he mea 'ai ia na 'olua. Kinohi 1:29

Ka Po'akahi, Mei 16, 2016

E hemolele 'oukou, e like me ka hemolele o ko 'oukou Makua i loko o ka lani. Mataio 5:48

Ka Pō'alua, Mei 17, 2016

Akā 'o 'oe, e ke keiki a ke kanaka, e ho'olohe mai i ka mea a u'e 'ōlelo aku ai iā 'oe; mai noho a kipi 'oe e like me kēlā 'ohana kipi, e 'oaka kou waha a e ai i ka mea a'u e hā'awi aku ai iā 'oe. Ezekiela 2:8

Ka Po'akolu, Mei 18, 2016 **Bapekema a me ke kopilimakio 'ana 'o Lili'uokalani (Baptism and Confirmation)**

Pēlā e 'ike ai 'oukou, 'o wau nō 'o Iēhova ko 'oukou Akua, E noho ana ma Ziona, ku'u mauna ho'āno: A e lilo 'o Ierusalemā i hemolele, 'A'ole e hele hou nā malihini ma waena ona. Ioela 3:17

Ka Pō'ahā, Mei 19, 2016

Ho'ōla maila 'o ia iā lākou mai ka lima mai o ka po'e inaina, A ho'ōla pāna'i ho'i iā lākou mai ka lima mai o ka 'enemi. Halelū 106:10

Ka Pō'alima, Mei 20, 2016 **ka lā hānau 'o ka Haku o Hawai'i (Prince Albert) Birthday**

Akā, he mea hiki 'ole ke hō'olu'olu i ke Akua me ka mana'o'i'o 'ole; no ka mea, o ka mea e hele ana i ke Akua, e pono nō e mana'o'i'o 'o ia, he mea 'i'o nō ia, a, he mea ho'i e uku mai ana i ka po'e i 'imi ikaika iā ia. Hebera 11:6



Ka Pō'aono/Lāpule Mei 21/22, 2016 Ka Lāpule Kahikolu (Trinity Sunday) (White)

No ia mea, e o'u po'e hoahānau aloha, e hikiwawe 'oukou ma ka lohe, e akahele ho' i ma ka 'ōlelo ana aku, a e ho'olohi ho' i ma ka inaina aku; Ioane 1:19

Ka Pō'akahī, Mei 23, 2016

Mai hana 'oe i nā akua 'ē me a'u nei i nā akua kālā, a mai hana i nā akua gula no 'oukou. Puka 'ana 20:23

Ka Pō'alua, Mei 24, 2016

17 Inā he maka wale nō ke kino a pau, a laila, ma hea lā ka lohe? A inā he lohe wale nō, a laila, ma hea, lā ka honi 'ana? 1 Korineto 12:17

Ka Pō'akolu, Mei 25, 2016

Aia ho'i, ke waiho mai nei 'o Iēhova kou Akua i ka 'āina i mua ou: e pi'i a'e, e komo, e like me kā Iēhova ke Akua o kou mau kūpuna i 'ōlelo mai ai iā oe; mai maka'u, mai ho'opauaho. Kānāwai lua 1:21

Ka Pō'ahā, Mei 26, 2016

No laila, o hele, a 'o wau pū nō me kou waha, e a'o aku ana iā 'oe i ka mea āu e 'ōlelo aku ai. Puka 'ana 4:12

Ka Pō'alima, Mei 27, 2016

'O ka 'ōlelo āna i ho'ouna mai ai i nā mamo a 'Isera'ela, e ha'i ana i maluhia ma o Iesū Kristo lā; ('o ia nō ka Haku no nā mea a pau.) 'Oihana 10:36

Ka Pō'aono/Lāpule Mei 28/29, 2016

Ke noi aku nei mākou iā 'oukou, e nā hoahānau, e a'o aku i ka po'e ho'okeke'e, e hō'olu'olu i ka po'e na'au hopohopo, e kōkua i ka po'e nāwaliwali, e ahonui aku ho' i nā kākā a pau: 1 Tesalonike 5:14

Ka Pō'akahī, Mei 30, 2016

E nā hoahānau o'u, he aha ka waiwai, ke 'ōlelo kekahi, he mana 'i'o kona, 'a'ole ho'i āna hana? E hiki anei i ka mana'o'i'o ke ho'ōla iā ia? Ioane 2:14